

„შეწყვიტეთ ეს დაპირისპირება!“

დავით ბაქრაძემ საარჩევნო კამპანია ყვარელში დაასრულა

თიკა ნიკოლაძე

„ერთიანი ნაციონალური მოძრაობის“ საპრეზიდენტო კანდიდატმა საარჩევნო კამპანია ყვარელში დაასრულა. დავით ბაქრაძემ მხარდამჭერებს დასკვნითი ვრცელი სიტყვით მიმართა, მაღლობა გადაუხადა და არჩევნებზე აქტიურობისკენ მოუწოდა. „კარსმომდგარი არჩევნები მრავალმხრივ არის მნიშვნელოვანი. გადაჭარბების გარეშე შეიძლება ითქვას, რომ ეს წყალგამყოფი არჩევნებია, რომელიც გამოავლენს არა მხოლოდ იმას, ვინ დაიკავებს

პრეზიდენტის მაღალ პოსტს, არამედ ეს არჩევნები გვაძლევს შანსს, დავასრულოთ დაპირისპირების ეპოქა ქართულ პოლიტიკაში, გავაკეთოთ მკაფიო არჩევანი ქვეყნის თავისუფლების სასარგებლოდ და განვაახლოთ ევროპული, დემოკრატიული საქართველოს შენება.“ - განაცხადა დავით ბაქრაძემ. მისივე თქმით, შემთხვევითი არ არის, რომ „ნაციონალური მოძრაობის“ საპრეზიდენტო კანდიდატის ნინასაარჩევნო კამპანია ყვარელში - ილია ჭავჭავაძის მშობლიურ მხარეში დასრულდა.

„იმისთვის, რომ აღვნიშნოთ, რა არის ჩვენი ღირებულებების მთავარი სვეტები, მთავარი ქვაკუთხედი, ჩვენ ყვარელში ჩამოვედით და ეს არ არის შემთხვევითი. ყველა ერს ჰყავს პიროვნებები, რომელთაც ერის მამად შერაცხავს ხალხის ბრძნული კოლექტიური გონი. საქართველოსთვის ასეთი დიდი ილია ჭავჭავაძეა. სწორედ ამიტომ ვართ შეკრებილები დღეს, ნინასაარჩევნო კამპანიის დასკვნით დღეს, ქართველი ერის უდიდესი მოღვაწის, დიდი ილიას მშობლიურ სახლში.“

ბაბრქაძეა
ბა-3 ბავარჯა

„მოავალი პრემიერ-მინისტრი მთავრობის გუნდიდან იქნება“

საპრეზიდენტო არჩევნების მოახლოების მიუხედავად, მომავალი პრემიერ-მინისტრის ვინაობის საკითხი სულ უფრო აქტუალური ხდება. გუშინ „ქართული ოცნების“ ცენტრალურ ოფისში, პრემიერ-მინისტრ ბიძინა ივანიშვილისა და პარლამენტის თავმჯდომარე დავით უსუფაშვილის მონაწილეობით, პოლიტსაბჭოს სხდომა გაიმართა. დაუზუსტებელი ინფორმაციით, განხილვის ერთ-ერთი თემა მომავალი პრემიერ-მინისტრის კანდიდატურა უნდა ყოფილიყო, თუმცა შეხვედრის რამდენიმე მონაწილე ამ ინფორმაციას უარყოფს. „ბატონმა ბიძინამ ბრძანა, რომ მომავალი პრე-

მიერ-მინისტრის კანდიდატურის შერჩევის საკითხს მას შემდეგ განვიხილავთ, რაც საპრეზიდენტო არჩევნები ჩაივლის,“ - თქვა შეხვედრიდან გამოსვლის შემდეგ ფრაქცია „ქართული ოცნების“ თავმჯდომარე ზაქარია ქუცნაშვილმა. ქუცნაშვილის ინფორმაციით, კოალიცია პრეზიდენტის ინაუგურაციის მოსამზადებელი სამუშაოების შესახებ მსჯელობს. როგორც პარლამენტარი აღნიშნავს, ინაუგურაცია მოკრძალებულად, არაპომპეზურად და შემჭიდროვებულ ხარჯებით გაიმართება. ამასთან, ზაქარია ქუცნაშვილის თქმით, შეხვედრაზე 27 ოქტომბრისთვის კოალიციის

შტაბის საორგანიზაციო საკითხები განიხილეს. პრემიერ-მინისტრობის კანდიდატურის შესახებ განხილვების დაწყებას არ ადასტურებს ფრაქცია „ქართული ოცნება - მრევლები“ წევრი ზურაბ ტყემალაძე. მისი ინფორმაციით, პრემიერობის კანდიდატურის შესახებ მსჯელობა საპრეზიდენტო არჩევნების შემდეგ დაიწყება. დეპუტატის თქმით, კანდიდატურა არც სამშაბათს დანიშნულ პოლიტსაბჭოს სხდომაზე დასახელდება. „კონსულტაციები მომავალი კვირის ბოლოს გაიმართება,“ - აღნიშნავს ზურაბ ტყემალაძე.

ბაბრქაძეა
ბა-3 ბავარჯა

პუტინმა უკრაინას ორ სკამზე ჭდომის იმედი გადაუწერა

თამთა ქახაძე
ივა შილაკაძე

მინსკში ხუთშაბათს და პარასკევს მიყოლებით ჩატარდა ევრაზიული ეკონომიკური თანამშრომლობის დაღს-ს სამიტები. თავიდან საბაჟო კავშირის წვერი სამი სახელმწიფოს - რუსეთის, ბელარუსისა და ყაზახეთის პრეზიდენტების შეხვედრა გაიმართა, ხოლო შემდეგ მათ შეუერთდნენ იმ სახელმწიფოების ლიდერებიც, რომლებსაც ამ კავშირში განვერიანება ან სხვა სახის მჭიდრო თანამშრომლობა სურთ.



ბაბრქაძეა
ბა-4 ბავარჯა

მოსმენების სართავორისო სკანდალი ძალას იკრებს

ივა შილაკაძე

ბრიუსელში ორი დღის განმავლობაში მიმდინარეობდა ევროკავშირის სამიტი, სადაც ნინასწარ, დაუგეგმავად, ლამის მთავარ თემად იქცა ამერიკის შეერთებული შტატების სპეცსამსახურების მიერ ევროპული და სხვა მოკავშირეების თვალთვალის ევროკავშირის სამიტმა თავის განცხადებაში ამ გაერთიანების წვერი სახელმწიფოების პირველი პირების მიმართ აშშ-ს ჯაშუშობა ოფიციალურად დაგმო. ბრაზილიამ და გერმანიამ გაეროს უშიშროების საბჭოს წინაშე ერთობლივად დააყენეს რეზოლუციის მიღების საკითხი, რომელიც ინ-



ტერნეტში ადამიანების პირადი ცხოვრების ხელშეუხებლობას დაიცავს. ამას გარდა, აშშ-ს „ეროვნული უსაფრთხოების სააგენტოს“ მიერ ქვეყნების პირველ პირთა ტელეფონების მოსმენის ახალი ფაქტები ხდება ცნობილი.

ბაბრქაძეა
ბა-4 ბავარჯა

1 აშშ დოლარი	1.6643\$
1 ევრო	2.2110\$
1 ინგლისური გირვანქა	2.5933\$
1 თურქული ლირა	0.8622\$
100 რუსული რუბლი	5.0433\$
თბილისი	31°C - 20°C
ქუთაისი	33°C - 20°C
ზუგდიდი	32°C - 21°C
ბათუმი	27°C - 21°C
ნავთობი	3.19 +0.00 +0.16%
გაზი	3.58 +0.11 +3.07%
ოქრო	1,743.20 -9.80 -0.56%
ხორბალი	868.50 +12.25 +1.41%

„24 საათის“ ელექტრონული ვერსია იხილეთ www.24saati.ge ჩვენი პარტნიორები:



ISSN 1987 9121
9|771987|912100|>

ბოგბიბა ბოგბა: „ფეხბურთისა და პირადი ურთიერთობის არევა არ შეიძლება“

ჟურნალ „პრო ფუტბოლთან“ (PRO Футбол) ინტერვიუში ხაბაროვსკის „სკა-ენერჯის“ ქართველი ნახევარმცველი გოგბიბა გოგუა კლუბსა და საქართველოს ნაკრებზე საუბრობს. ამბობს, ვიდრე საქართველოს ნაკრების მთავარი მწვრთნელი თემურ ქეცბაიაა, გუნდში დაბრუნება ვერ წარმომიდგენიაო. ქართველი ლეგიონერის ინტერვიუს შემოკლებული ვარიანტი, რომელსაც ჩვენც გთავაზობთ, ფეხბურთის გულშემოყვარებისთვის უინტერესო არ უნდა იყოს. - ამბობდით, რომ რუსეთში თქვენთვის დიდი ფეხბურთი დაიწყო არა „ხიმიდან“, რომელშიც პირველად თამაშობდით, არამედ ნალჩიკის „სპარტაკიდან“. ასე რატომ ფიქრობთ?

„ხიმი“ ცოტას ვთამაშობდი და თავს ფეხბურთელად არ ვგრძნობდი, რაც არ მაკმაყოფილებდა. ნალჩიკში მისვლისთანავე თავი ფეხბურთელად ვიგრძენი. როდესაც იქ მივედი, გუნდში პირველი ქართველი ვიყავი. შემდეგ მოვიდნენ დავით სირაძე და ლევან გვაზავა. ნალჩიკში კლუბის ხელმძღვანელობამ, გულშემოყვარებმა და სამწვრთნელო შტაბმა კარგად მიმიღეს. მენდობოდნენ და პრემიერლიგაში ნორმალურად დავიწყე თამაში. - ნალჩიკში ჩატარებული პირველი სეზონის შემდეგ გულშემოყვარებმა გუნდის საუკეთესო მოთამაშეებს შორის მესამე ადგილზე დაგასახელეს... ბაბრქაძეა
ბა-7 ბავარჯა

იზხანი - შეხვედრა რუსთაველის განსახილველად



ლუკაშენკომ და იანუკოვიჩმა საქართველო დსთ-ში დაჰატიყეს

ბელარუსის პრეზიდენტმა ალექსანდრე ლუკაშენკომ დსთ-ს წევრი ქვეყნების მეთაურთა საბჭოზე განაცხადა, რომ მას სურს, საქართველო ამ თანამეგობრობაში კვლავ იხილოს. ლუკაშენკოს თქმით, იგი ამ განცხადებას დსთ-ს წევრი ქვეყნების მეთაურების სახელით აკეთებს.

„საქართველოში არიან ადამიანები, მათ შორის ხელისუფლებაშიც, რომლებსაც სურთ, ჰქონდეთ პლატფორმა, სადაც შესაძლებელია არა მხოლოდ პოლიტიკური, არამედ ეკონომიკური საკითხების განხილვა,“ - განაცხადა ბელარუსის პრეზიდენტმა. მისივე განცხადებით, იგი იმედოვნებს, რომ საქართველოში მის მესიჯს შეისმენენ.

ლუკაშენკოს განცხადებას გამოეხმაურა უკრაინის პრეზიდენტი ვიქტორ იანუკოვიჩი.

„აბსოლუტურად ვეთანხმები ალექსანდრე გრიგორის ძის ინიციატივას - შევახსენოთ ჩვენს მეგობრებს საქართველოდან, რომ დსთ-ს კარი მათთვის ყოველთვის ღიაა,“ - განაცხადა იანუკოვიჩმა.

ეს განცხადება იანუკოვიჩმა მინსკში, დსთ-ს ქვეყნების მეთაურთა სხდომის შედეგების შემჯავებელ პრესკონფერენციაზე, ბელარუსის პრეზიდენტის გამოსვლის შემდეგ გააკეთა. უკრაინული საინფორმაციო სააგენტოს ცნობით, იანუკოვიჩის აზრით, დსთ-ს შემადგენლობაში საქართველოს დაბრუნება ძალიან სწორი ნაბიჯი იქნება, რადგან ძალიან ბევრი კომენტარია, მათ შორის ქართველი პოლიტიკოსებისგან, რომ დსთ-ს დატოვების შესახებ გადაწყვეტილება დაუფიქრებელი იყო და საქართველო ეკონომიკურ კრიზისთან ბრძოლისთვის დანებებული მრავალი მნიშვნელოვანი პროცესის მიღმა აღმოჩნდა.

„რაც არ უნდა იყოს, დსთ ის მოედანია, სადაც მივჩვენებთ, მოვილაპარაკოთ და გადავწყვიტოთ ბევრი საკითხი, როგორც წესი, მოვხსნათ ბარიერები,“ - აღნიშნა ვიქტორ იანუკოვიჩმა.

დაპირისპირება სააკაშვილსა და ჩახალიანს შორის

„გარბიხართ სეპარატისტო ლაჩრებო? მოდით აქ!“ - ამ რეპლიკით გაეძევნა ახალქალაქში ჩასული პრეზიდენტი ვაჰაგან ჩახალიანსა და მის თანმხლებ პირებს, რომლებიც სააკაშვილს ბრალდებებს უყენებდნენ.

პრეზიდენტი ახალციხეში გუშინ სტუმრობდა. იგი ადგილობრივ მოსახლეობას ადგილზე შექმნილი პრობლემების შესახებ ესაუბრა.

როცა მიხეილ სააკაშვილი ახალციხის მოსახლეობას ხვდებოდა, ადგილზე რამდენიმე თვის წინ ამინსტიით გათავისუფლებული, მორაობა „ჯავახის“ დამფუძნებელი, ყოფილი პატიმარი მივიდა და პრეზიდენტს პასუხი მოსთხოვა, თუ რატომ არის აფეთქებული კოლონია ეკლესია დემოკრატიულ ქვეყანაში და რატომ არ ისწავლება სომხური ლიტერატურა და ისტორია ახალციხის სკოლებში.

შე კრიმინალო, ციხიდან გამოსული - მიმართა სააკაშვილს ჩახალიანს.

„სკოლაში არაა სომხური ლიტერატურა, ყველა სკოლა დაგვიკეტეს. არაა ისტორია და ლიტერატურა სომხური,“ - უთხრა ჩახალიანმა პრეზიდენტს.

„შენც მე მასამართლებ, შე კრიმინალო, სეპარატისტო, მოდი აქ, მე აქ მოვიდვარ, რომ ყველა მოქალაქეს მოვუსმინო. რა გავაკეთე ახალქალაქში, ახლა გეტყვი - მე გავაკეთე ის, რომ სეპარატისტებს თქვენი სახით გამოვაცალე ნიადაგი, აშენდა მნიშვნელოვანი რკინიგზა და ის გზა, რომელზეც ახლა შენ დადიხარ, შემოვიდა სასოფლო-სამეურნეო ტექნიკა, შემოვიდა გაზი და შუქი, რაც მანამდე არ გქონდათ, გავიდა რუსული ბაზა და შენისთანა სეპარატისტები და გოშიები ვერ წამიკითხავენ... შენ ციხეში იჯექი ექვსი მუხლით, ძალიან მიქარა, ვინც შენ გამოგიშვა, შენისთანა ხალხმა, კრიმინალმა ველარასდროს უნდა გაბედონ პარპაში,“ - უთხრა პრეზიდენტმა ჩახალიანს. ამის შემდეგ ჩახალიანი და მისი თანმხლები პირები უკან გაბრუნდნენ სკანდირებთ: „წადი მიშა თურქეთში“.

მოსკოვის პოლიციამ ქართველი მოზარდი დააკავა

მოსკოვის პოლიციამ, 13 წლის გოგონას დაჭრის ბრალდებით, ქართველი მოზარდი დააკავა. ინფორმაციას ამის შესახებ რუსული ტელეკომპანია „ენტევე“ ავრცელებს. გავრცელებული ინფორმაციით, გოგონას დაჭრაში ეჭვმიტანილი 15 წლის ქართველია. „ენტევე“-ს ცნობით, გასულ კვირას ქართველმა მოზარდმა 8-კლასელ გოგონას მუცლისა და მკერდის არეში რამდენიმე ჭრილობა მიაყენა. დანაშაულის მოტივი ჯერ უცნობია.

თბილისის მერის ორი ინიციატივა

თბილისის მერმა გიგი უგულავამ თბილისის საკრებულოს 2013 წლის ბიუჯეტში საბინაო ამხანაგობების დაფინანსების მუხლში სამი მილიონი ლარის დამატება მოითხოვა.

უგულავას თქმით, თანხის დამატება რაიონულ გამგეობებს საშუალებას მისცემს, წლის ბოლომდე მოსახლეობის განცხადებების მიღება განახლოვდეს და ამხანაგობების პროგრამით გათვალისწინებული სამუშაოები შეასრულონ - მათ შორის, განახლდეს შიდა კომუნიკაციების, ლიფტებისა და სახურავების შეკეთება, ასევე აღდგეს მრავალი სხვა სახის მომსახურება, რომელთა დაფინანსებაც აგვისტოში, თბილისის საკრებულოს მიერ ბიუჯეტში შესაბამისი თანხის შემცირების გამო შეწყდა.

ბიუჯეტის ცვლილებას ითვალისწინებს ასევე მერიის ახალი ინიციატივაც, რომლის თანახმად, სოციალურად დაუცველი მოსახლეობა ქალაქში მოძრავ სამართლებრივ ტაქსებში შეღავათებით ისარგებლებს.

უგულავას ინიციატივით, ნოემბრის შუა რიცხვებიდან სოციალურად დაუცველი მოქალაქეები, რომელთა სარეიტინგო ქულა 70 000-ზე დაბალია, სამართლებრივ ტაქსით გადაადგილებისას მგზავრობის ღირებულების ნახევარს გადაიხდიან, ხოლო მეორე ნახევარს თბილისის მერია დაფარავს. ამისთვის ბიუჯეტში 300 000 ლარი უნდა იქნეს გათვალისწინებული.

გიგი უგულავას ინფორმაციით, აღნიშნული ინიციატივები თბილისის მერიამ სექტემბერში მოამზადა, მაგრამ ცვლილებების განხორციელება იმის გამო ვერ მოხერხდა, რომ წინასაარჩევნო პერიოდში ბიუჯეტის კორექტირება კანონით აკრძალულია.

აღნიშნული ინიციატივები საზოგადოებას თბილისის მერმა გუშინ თავად გააცნო და იმედი გამოთქვა, რომ დედაქალაქის საკრებულო საპრეზიდენტო არჩევნების შემდეგ სხდომას უახლოეს პერიოდში გამართავს და მერიის წინადადებებს მხარს დაუჭერს.

თბილისის მერის განცხადებას საკრებულოს თავმჯდომარე ირაკლი მიხიაშვილი გამოეხმაურა.

„ინიციატივა, რომელიც თბილისის მერმა გააჟღერა, გონივრულობას მოკლებული არ არის. თუმცა, ტელევიზორით აკეთებული განცხადებები არ არის სერიოზული მიდგომა ასეთი სერიოზული პრობლემებისადმი. მიმაჩნია, რომ თბილისის მერი საკრებულოში უნდა მოზარდებს და რამდენიმე მუშა შეხვედრა შედგეს. ჩვენ ყველანი წინადადებას, რომელიც გონივრული და თბილისისთვის საჭირო იქნება, ხელს არ შევუშლით, პირიქით,“ - განაცხადა საკრებულოს თავმჯდომარე.

თბილისის საკრებულოს ფრაქცია „ქართული ოცნება - თბილისელები“ თავმჯდომარე გულიკო ზუმბაძის განცხადებით, გიგი უგულავამ საკრებულოს გუ-

შინდელ სხდომაში მონაწილეობას თავი აარიდა.

ზუმბაძის ინფორმაციით, წინა დღეს, საკრებულოს წევრთა 1/3-ის ინიციატივით, დედაქალაქის მერს შეტყობინება გაეგზავნა საკრებულოს სხდომას დასწრეობა, თუმცა იგი გუშინ სხდომაზე არ გამოცხადებულა.

გულიკო ზუმბაძის თქმით, საკრებულოს წევრები დედაქალაქის მერისგან თბილისის მერიის დაქვემდებარებაში მყოფი შპსების, სამეთვალყურეო საბჭოების, ბორდების დაფინანსების საკითხებზე პასუხებს ითხოვდნენ.

ზუმბაძის ინფორმაციით, სამეთვალყურეო საბჭოები თბილისის ბიუჯეტიდან ფინანსდება და ეს დედაქალაქს ორი მილიონამდე ლარი უჯდება. მისივე თქმით, საკრებულოს წევრებს გიგი უგულავასთან ამ საბჭოების აუცილებლობის შესახებ ჰქონდათ კითხვები.

თბილისის საკრებულოს ფრაქცია „ქართული ოცნება - დემოკრატიული საქართველოს“ თავმჯდომარე ზაზა გაბუნიას თქმით, გიგი უგულავა კოლმეურნეობის თავმჯდომარესავით იქცევა.

„მინდოდა, მერისთვის შეკითხვა, რად წარმოუდგენია მას თავი? რადგან ის არ მოვიდა, ამიტომ თქვენ, მის თანაგუნდელებს გეკითხებით - რა ჰგონია უგულავას, ვინ არის? რად წარმოუდგენია თავი? აქამდე ჩვენ მას ანტიკური პერიოდის მმართველს ვადარებდით, მაგრამ უკ-

ბარო ახალიანს ბრალი დაუმძიმდა

თავდაცვის და შს ყოფილ მინისტრ ბარო ახალიანს ბრალი დაუმძიმდა. ახალიანს სამსახურებრივი უფლებამოსილების ბოროტად გამოყენებისთვის სანდრო გირგვლიანის საქმეზე სისხლის სამართლებრივ პასუხისგებაში მიიქცა.

„დადგენილია, რომ ბარო ახალიანს, რომელიც დაკისრებული მოვალეობების სანადადმდეგოდ მოქმედებდა, საკუთარი ძმის დავით ახალიანსა და სანდრო გირგვლიანის წინააღმდეგ ჩადენილ დანაშაულში მონაწილე სხვა პირთათვის უკანონო უპირატესობის მინიჭების მოტივით, დაარღვია საქართველოს საერთაშორისო ვალდებულებები, კონსტიტუცია და სამსახურებრივი უფლებამოსილების ბოროტად გამოყენებით სსჯელალსრულების მე-7 და მე-10 დანებს უხეობების საქმიანობაში

უკანონო ჩარევის გზით განაპირობა სანდრო გირგვლიანის წინააღმდეგ ჩადენილ დანაშაულში მსჯავრდებულ პირთა - გერონტი ალანისა, ალექსანდრე ლაჭავას, ავთანდილ აფციაურისა და მიხეილ ბიბილურიძის მიმართ დადგენილი განაჩენის არასათანადოდ აღსრულება,“ - განაცხადა პროკურატურაში გუშინ გამართულ ბრიფინგზე.

გამოძიების ინფორმაციით, აღნიშნული პირები სასჯელის მოხდის განმავლობაში უკანონო შეღავათებით, განსაკუთრებული პირობებითა და პრივილეგირებული მდგომარეობით სარგებლობდნენ.

პროკურატურა სასამართლოს ახალიანსთვის აღკვეთის ღონისძიების სახით პატიმრობის შეფარდების მოთხოვნით მიმართავს.

თავდაცვის და შს ყოფილ მინისტრის ადვოკატ დავით დეკანო-

ძის განცხადებით, ხელისუფლებას ეშინია, რომ ბარო ახალიანს მიმართ გამამართლებელი განაჩენი დადგება.

„ე.ნ. ციხის ბუნტის საქმეზე განაჩენი 28 ოქტომბერს გამოცხადდება, ხოლო შს მინისტრობის პერიოდთან დაკავშირებულ ეპიზოდზე კი განაჩენს უკვე ორი თვეა, უშედეგოდ ველით. ეშინიათ, რომ ახალიანს მიმართ გამამართლებელი განაჩენი დადგება. ალბათ, ამით აიხსნება მისთვის ახალი ბრალის წაყენება,“ - განაცხადა დეკანოძემ.

ბარო ახალიანსთვის ბრალის დამძიმების ფაქტზე კომენტარი გააკეთა მისმა მეუღლემ ანი ნადარეიშვილმა.

„ბაროს განაჩენი ქურდების საქმეზე გამოცხადდება ორშაბათს 10 საათზე, აქედან გამომდინარე (როგორც ყოველთვის

ვე ეს შედარებაც აღარ ვარცა, რადგან პოლისების შემთხვევაში საზოგადოებრივი პირადზე მაღლა იდგა, უგულავა კი იქცევა, როგორც კოლმეურნეობის თავმჯდომარე და ამით ის ჩრდილს აყენებს არა საკრებულოს, არამედ საკუთარ თავს,“ - აღნიშნა გაბუნია.

როგორც იგი დასძენს, უგულავას საკრებულოს წევრების წინაშე წარდგომა და კითხვების მოსმენა მაინც მოუწევს.

თბილისის მერის ინიციატივებს საკრებულოს წევრი ნიკო ხაჩირიშვილიც გამოეხმაურა. მისი შეფასებით, თბილისის მერი პოპულისტური განცხადებების კეთებაზეა ორიენტირებული.

„ჩვენ ორიენტირებულნი ვართ საქმის კეთებაზე და არა პოპულისტური განცხადებების კეთებაზე,“ - აღნიშნა ხაჩირიშვილმა.

დეპუტატის თქმით, საკრებულო ნებისმიერ გადაწყვეტილებას იმის მიხედვით მიიღებს, თუ რამდენად ორიენტირებული იქნება ის ხალხზე.

„თბილისის მერს ურჩევნია, საკრებულოში მოზარდებს უმჯობესია, თბილისის მთავრობამ ყველა იმ კითხვას უპასუხოს, რომელიც ბორდებს, სამეთვალყურეო საბჭოებს და სხვა თემებს ეხება და კონკრეტული გადაწყვეტილებები მიიღოს და არა პოპულისტური განცხადებები აკეთოს,“ - განაცხადა ხაჩირიშვილმა.

აშშ-ს ელჩი ფუბდიდში წინასაარჩევნო ვითარებას გაეცნო

ამერიკის შეერთებული შტატების ელჩი საქართველოში რიჩარდ ნორლანდი გუშინ ზუგდიდს სტუმრობდა. მან N67 საოლქო სარჩევნო კომისიის თავმჯდომარე ნანა ოყუჯავასთან დახურულ ფორმატში 20 წუთის განმავლობაში ისაუბრა. როგორც ამერიკელმა დიპლომატმა ყურნალის ტებს უთხრა, შეხვედრაზე საარჩევნო საკითხები განიხილეს. ელჩის ინფორმაციით, საოლქო კომისიის თავმჯდომარემ მას უთხრა, რომ არჩევნები აუცილებლად გამჭვირვალედ და სამართლიანად ჩატარდება.

რიჩარდ ნორლანდის შეფასებით, პრეზიდენტის არჩევნები საქართველოში დემოკრატიის კონ-

სოლიდაციის და დემოკრატიული ინსტიტუტების გაძლიერების თვალსაზრისით ძალიან მნიშვნელოვანი დღე იქნება, რაშიც სამეგრელო მნიშვნელოვან როლს ასრულებს. „ზუგდიდში მეოთხედ ვარ. მახსოვს, შარშან ზუგდიდის საოლქო საარჩევნო კომისიის შენობასთან როცა ვიმყოფებოდი, აქ როგორი დაძაბული ვითარება იყო. წელს კვლავ ზუგდიდში ვარ და ატმოსფერო ბევრად უფრო მშვიდია. ხალხი არჩევნების სამართლიანად ჩატარებას ელის. ზაფხულში იყო ინციდენტები და არავის სურს, მსგავსი რამ განმეორდეს. აშშ-ს, დიდი ბრიტანეთის და ნიდერლანდების საელჩოებმა ერთობლივ

ჯგუფები შექმნეს, რომლებიც არჩევნებს დააკვირდებიან. როგორც ზუგდიდში, ასევე მთელს საქართველოში დამკვირვებლები ხმების დათვლის პროცესის სამართლიანად წარმართვის უზრუნველყოფას შეეცდებიან. ზუგდიდის საოლქო საარჩევნო კომისიის თავმჯდომარე დარწმუნებულია, რომ არჩევნები გამჭვირვალედ და ღია გარემოში გაიმართება,“ - აღნიშნა რიჩარდ ნორლანდმა.

ნორლანდის თქმით, ამ ეტაპზე საპრეზიდენტო არჩევნების შედეგების განსაზღვრა შეუძლებელია. „არ ვიცი, საქართველოს პრეზიდენტი ვინ გახდება. ამერიკის შეერთებული შტატები საქართვე-

სხდება, ბაროს ახალი ბრალი წაუყენეს ამ წუთებში - გირგვლიანის მკვლელობისთვის გასამართლებული პირებისთვის პრივილეგირებული პირობების შექმნა სასჯელალსრულების დანესებულებაში“, მუსლი 332, ნაწილი პირების (სამსახურებრივი უფლებამოსილების ბოროტად გამოყენება, სანქცია ჯარიმა ან 0-დან 3 წლამდე პატიმრობა).

აქოცებული პროკურატურა, მე მაინც ბავშვების ჭამის ბრალდებით ველოდი ამ განაჩენის წინ ბრალის წაყენებას. ვაი, თქვე საცოდავებო!!!

შეგახსენებთ, ეს ის საქმეა, სადაც მამა ნიკოლოზზე ახორციელებდნენ ზნწოლას პროკურატურაში და აიძულებდნენ ბაჩოსთვის დაედო ხელი,“ - დაწერა ანი ნადარეიშვილმა სოციალურ ქსელში.

ლოს მომავალ პრეზიდენტთან, პრემიერ-მინისტრთან და მათი მემკვიდრე საქართველოსთან თანამშრომლობას გააგრძელებს,“ - აცხადებს რიჩარდ ნორლანდი.

აშშ-ს საელჩოს მიერ გავრცელებულ პრესრელიზში ნათქვამია, რომ 2008 წლიდან აშშ-ს მთავრობამ საქართველოში დემოკრატიის, მმართველობისა და კანონის უზენაესობის განმტკიცების მიზნით 120 მილიონი დოლარი გამოყო. აშშ მხარს უჭერს არა რომელიმე პოლიტიკურ პარტიას, ან კანდიდატს, არამედ საქართველოს ძალისხმევას, განავითაროს დემოკრატიული ინსტიტუტები.

საკუთარი ინფორმაცია

გაზეთი "24 საათის" გამომცემელი შპს "მეპ". რედაქტორ-გამომცემლები: მამუკა ფაჩუაშვილი, პაატა ვეშაპიძე.

რედაქცია: სოფიო ჩხაიძე (მთავარი რედაქტორი), რედაქტორები: მიაა ჭალაგანიძე (საზოგადოება,Weekend), დავით ნინიკაშვილი (ბიზნესი), ივა შილაკაძე (სტუდენტები) სოფო კილასონია (რევიუ), კახა ფაჩუაშვილი (სპორტი). რეკლამის და მარკეტინგის მენეჯერი ირაკლი ლუკვაძე ტელ: 899 22 09 49. კომპიუტერული ცენტრი: ირმა ჯიშკარიანი, ნინო ყაველაშვილი

რედაქციის მისამართი: ქ. თბილისი, ვაჟა-ფშაველას 45, 14-ე სართული. ტელ: 40-94-45; 40-94-46; 40-94-47; 40-94-48 ელ-ფოსტა: public@24hours.ge

„შეხვედრით ეს დაპირისპირება!“

პირველი გვარდნილი

ჩვენი აქ ყოფნა თავისთავად ხაზგასმით ჩვენი ერთგულებისა ილიას იდეების, მისი ღირებულებების მიმართ. ჩვენი განვითარების გზა, ახალი საქართველოს მოწყობის წესი და ღირებულებების სისტემა პირდაპირ გამომდინარეობს, ეფუძნება, თანამედროვე ფლერადობით ეხმარება დიდი ილიას ყველაზე მონივრე იდეებს,“ - განაცხადა დავით ბაქრაძემ.

მისივე თქმით, „ნაციონალური მოძრაობა“ ყველაფერს გააკეთებს იმისთვის, რომ საქართველო ნატო-სა და ევროკავშირის წევრი გახდეს. ბაქრაძემ აღნიშნა, რომ რუსეთთან ურთიერთობის გაუმჯობესება მისი სურვილიც არის, თუმცა ეს საქართველოს ეროვნული ინტერესების ხარჯზე არ უნდა მოხდეს.

„ილია კვლავდაკვალ, დღეს ჩვენი პარტია საქართველოს ევროპული არჩევანის მთავარი დამცველი ძალაა! ჩვენ ყველაფერს ვაკეთებდით და ვაკეთებთ, რომ საქართველო გახდეს ნატო-სა და ევროკავშირის წევრი! დღეს სრულიად ნათელია, რომ ეს ერთ-ერთი ის საკითხია, სადაც დღევანდელ მთავრობას ყველაზე მეტად სჭირდება კონტროლი!“

სამწუხაროდ, ბოლო ერთი წლის განმავლობაში ჩვენი მეგობრების მუდმივი განზილვა და რუსეთთან დათმობის ენაზე საუბარი მუდმივ ტენდენციად იქცა! დიანს, მე მინდა ურთიერთობის გაუმჯობესება რუსეთთან, მაგრამ ცალსახად ვაცხადებ, რომ ეს ურთიერთობა ვერ გაუმჯობესდება საქართველოს ეროვნული ინტერესების ხარჯზე! რუსეთთან ურთიერთობები გაუმჯობესდება მხოლოდ მაშინ, თუ ის მიხედვება, რომ შეუძლებელია, საქართველოს დამორჩილება, მისი გადაყვანა ევროპული გზიდან! ასე იყო სიტუაცია, პოლონეთში, ესტონეთში და ასე იქნება საქართველოშიც,“ - აღნიშნა „ნაციონალური მოძრაობის“ საპრეზიდენტო კანდიდატმა.

ამასთან, დავით ბაქრაძემ ის პერიოდი გაიხსენა, როდესაც მოლაპარაკებების შედეგად 1999 წელს რუსეთი საქართველოდან ბაზების გაყვანას დათანხმდა და დასძინა, რომ რუსეთთან მოლაპარაკებები კონსტრუქციული, თუმცა ამავე დროს პრინციპული, კრიტიკული და ქვეყნის ინტერესებზე ორიენტირებული უნდა იყოს.

„მე ვიცი, რა ნიშნავს რუსეთთან დიალოგი. მე ვიყავი იმ მოლაპარაკებების მონაწილე, რომლის შედეგადაც საქართველოდან გვიდღენ რუსი მესაზღვრეები; მე ვიყავი მონაწილე იმ მოლაპარაკებებისა, რომლის შედეგადაც 1999 წელს რუსეთი დათანხმდა საქართველოდან ბაზების გაყვანას. ამიტომ მე ვიცი, როგორ უნდა იყოს შედეგზე ორიენტირებული დიალოგი რუსეთთან - კონსტრუქციული, მშვიდი, მაგრამ ამავე დროს უკიდურესად

პრინციპული, კრიტიკული და ქვეყნის ინტერესებზე ორიენტირებული. და ნებისმიერი სხვა ფორმა - თავის დახრად, კრიტიკაზე უარის თქმა, პირფერობა - ყველაფერი მხოლოდ საპირისპირო შედეგამდე მიგვიყვანს.

დიდი ილიას ნაწილობრივ თავისუფლება მიიღწევა არა დათმობებით, არამედ პრინციპულობით და საკუთარი ინტერესების დაცვით! სწორედ ამის დასტურია დღეს ჩვენი სამშობლოს გულში გავლებული ახალი მავთულხლართები და მიტაცებული მიწები!

ამიტომ, დათმობების გზა ჩიხია. ჩვენ უნდა შევქმნათ რუსეთთან ცივილიზებული ურთიერთობის ისეთი მოდელი, რომელიც არასოდეს გვეკონია და ეს შესაძლებელია მხოლოდ მაშინ, როცა ჩვენ ვიქნებით ნატო-სა და ევროპის ნაწილი,“ - განაცხადა დავით ბაქრაძემ.

მისივე თქმით, შრომაზე დაფუძნებულ განვითარებას ალტერნატივა არა აქვს და საქართველოს ერთი მდიდარი ადამიანის წყალობა და ოცნება არ და ვერ გადაარჩენს. ბაქრაძის განმარტებით, ასეთი ოცნება არ მუშაობს და ასეთი დაპირება ფუჭია.

„ილია ასევე გახლდათ მონივრე, ლიბერალური ეკონომიკის სულსწამდგმელი, საქართველოს საბანკო სისტემის დამფუძნებელი, უდიდესი მოამაგე ცოდნის და განათლების გავრცელებისა!

ინიციატივასა და შრომაზე დაფუძნებულ განვითარებას დღესაც არა აქვს ალტერნატივა. საქართველოს ვერ გადაარჩენს და არ გადაარჩენს ერთი მდიდარი ადამიანის წყალობა და ოცნება, რომ ეს ერთი ადამიანი გამოკვებავს ყველას და არჩენს ქვეყანას. ასეთი ოცნება არ მუშაობს და ასეთი დაპირება ფუჭია,“ - განაცხადა დავით ბაქრაძემ.

თუმცა, მისივე თქმით, ერთი წლის წინათ საქართველოს მოსახლეობამ სხვა ისეთი დაპირებებიც მიიღო, რომლებიც უნდა შესრულდეს.

„ჩვენ ერთი წლის წინ გვესმოდა ბევრი ისეთი დაპირება, რომელიც უნდა შესრულდეს და ჩვენი ვალია ამისთვის - ვაკონტროლოთ მთავრობა! რატომ უნდა ვაკონტროლოთ მთავრობა? იმიტომ, რომ ერთი წლის წინ ეს მთავრობა მოვიდა დაპირებით, რომ გაუმჯობესებს ხალხის ცხოვრებას, ააშენებს ახალ ქარხნებს და სანარმოებს, ღირსეული დასაქმების საშუალებას მისცემს ჩვენ მოქალაქეებს, გააანახევრებს ტარიფებს და 230 ლარამდე გაზრდის პენსიებს.

ერთი წელია, მოთმინებით ვუყურებთ ახალ მთავრობას და ვხედავთ, რომ ნაცვლად ახალი სანარმოების გახსნისა, არსებულები ჩერდება და იხურება - ბიზნესი გაჩერებულია. ნაცვლად ახალი საშუალო ადგილების შექმნისა, მხოლოდ 3 თვეში 42 000 საშუალო ადგილი დაიკარგა, სოციალური დაპირებების შესრულების ნაცვლად, თითქმის 30 000 ადამიანი ამოიღეს შემწეო-

ბის მიმღებთა სიიდან - 84 საჯაროდ გაცემული დაპირებიდან 76 დღემდე შეუსრულებელია! ოცნება არ მუშაობს, მეგობრებო! დაპირებები არ სრულდება და ამას დღეს ყველა ხედავს,“ - ამბობს „ნაციონალური მოძრაობის“ საპრეზიდენტო კანდიდატი.

მისივე განმარტებით, მომავალმა პრეზიდენტმა არ უნდა დაუშვას, რომ მთავრობამ ის დაივიწყოს, რისთვის მას ხალხმა გასულ წელს ხმა მისცა. ამასთან, ბაქრაძემ აღნიშნა, რომ მომავალ პრეზიდენტს მთავრობასთან მუშაობა უნდა შეეძლოს.

„მომავალმა პრეზიდენტმა არ უნდა დაუშვას, რომ მთავრობამ დაივიწყოს ის, რისთვისაც ხალხმა ხმა მისცა 1 ოქტომბრის არჩევნებში. პრეზიდენტმა, ხალხთან ერთად, უნდა აიძულოს მთავრობა, მთავარ ამოცანად გაიხადოს არა პოლიტიკური დაპირისპირება, არამედ ხალხზე ზრუნვა და ხალხის მდგომარეობის გაუმჯობესება. და ამავე დროს, თვითონ პრეზიდენტსაც უნდა შეეძლოს მთავრობასთან ერთად მუშაობა და მისი დახმარება ამ მიზნების მისაღწევად. ვფიქრობ, სწორედ ესაა ახალი პრეზიდენტის ამოცანა და სწორედ ასეთ მიდგომას ვთავაზობ ჩვენს საზოგადოებას.

იმედი მაქვს, საპარლამენტო ოპოზიციის ლიდერობის ერთი წლის განმავლობაში მე დაგამტკიცე, რომ შემოიძლია, ერთდროულად ვიყო კრიტიკულიც და კომპრომისულიც, მწვავეც და კონსტრუქციულიც; შემოიძლია, მოვთხოვო ხელისუფლებას საქმის გაკეთება და ამავე დროს შემოიძლია, დავეხმარო კიდევ მას ამ საქმის გაკეთებაში.

განსხვავებით სხვა პოლიტიკური ძალებისგან, ჩვენი ფუნქცია მხოლოდ კრიტიკა არ არის! ჩვენ ყოველთვის უნდა გვეკონტროლებს რეალური გეგმა ჩვენი მოქალაქეების ცხოვრების დონის გაუმჯობესებისთვის, სამუშაო ადგილების შექმნისთვის, ბიზნესის წინსვლისთვის, ეკონომიკის ზრდისთვის,“ - განაცხადა დავით ბაქრაძემ და მთავრობას ეკონომიკის გაჯანსაღების „სამი ნაბიჯი“ კიდევ ერთხელ შესთავაზა.

„სწორედ ამიტომ, მე, როგორც პრეზიდენტობის კანდიდატი, კიდევ ერთხელ ვთავაზობ მთავრობას, ერთად გადავდგათ 3 ნაბიჯი ეკონომიკის გაჯანსაღების და ასეულობით ათასი ქართული ოჯახის უკეთ ცხოვრებისთვის:

1. გავაგრძელოთ გადასახადების შემცირება, რითიც თითოეული ოჯახი მეტ შემოსავალს მიიღებს;
2. უარი ვთქვათ ახალი რეგულაციების შემოღებაზე, რითიც შევქმნით სტაბილურ საინვესტიციო გარემოს და მოვიზიდავთ ინვესტიციებს;
3. მოვახდინოთ ეკონომიკური ამინსტირება და ეკონომიკური დანაშაულის დეკრიმინალიზაცია, რითიც ბიზნესს შეეუქმნით დაცულობის განცდა და სწორედ დაცული და გაფართოებული ბიზნესის შედეგად შევქმნით ახალ

სამუშაო ადგილებს,“ - დასძინა დავით ბაქრაძემ.

მისივე განმარტებით, საქართველო ყოველთვის არ უნდა იმეორებდეს ერთსა და იმავე შეცდომას, რომელთაგან ყველაზე საყურადღებოა დაპირისპირება და პოლიტიკურ პარტიათა შორის სიძულვილი. ბაქრაძემ აღნიშნა, რომ ამ დაპირისპირებაში ქვეყანა აგებს.

„ამ ყველაფრის სანაცვლოდ დღეს ხალხს აღარაფერს ჰპირდებიან, გარდა ერთისა - რომ არჩევნების შემდეგ კოპატივითა დამთავრდება! ანუ იქნება არა ურთიერთთანამშრომლობა, არა ურთიერთკონტროლი, არა საზოგადოების კონსოლიდაცია, არამედ ის, რითიც დღევანდელი მთავრობა ისედაც დაკავებულია მთელი ერთი წელი - დაპირისპირება, დაპირისპირება და დაპირისპირება!

საქართველო ყოველთვის არ უნდა იმეორებდეს ერთსა და იმავე შეცდომას. მთავარი ამ შეცდომათაგან დაპირისპირება და პოლიტიკურ პარტიებს შორის სიძულვილია. ახლაც, როგორც ილიას დროს, სხვადასხვა პოზიციებზე მდგომი დასები ერთმანეთს უპირისპირდებიან და ავიწყდებათ, რომ ამ დაპირისპირებაში საქართველო აგებს.

სწორედ ამიტომ, დღეს მინდა, კიდევ ერთხელ განვაცხადო - ამ დაპირისპირების პოლიტიკას საქართველოში წერტილი უნდა დაესვა! მინდა, მკაფიოდ დავადასტურო - „ნაციონალური მოძრაობა“ არასდროს დაადგება რევანშიზმისა და სამაგიეროს გადახდის გზას!

ხალხი დაიღალა მუდმივი დაპირისპირების, შუღლის და დაძაბულობისგან. შევწყვიტოთ ეს დაპირისპირება და მთელი ჩვენი ენერჯია მოვახმაროთ ქვეყნის განვითარებას და ხალხის უკეთ ცხოვრებას. მაშინ როდესაც ჩვენ მთელი დავადასტუროთ, რომ ერთმანეთთან ჩხუბით, გვაიწყდება, რომ ხალხს სჭირდება დასაქმება, სამუშაო ადგილები, გაზრდილი პენსია, სოფლის განვითარება, აშენებული ინფრასტრუქტურა, წესრიგი და ევროპული მომავალი.

ამიტომ ვთავაზობთ - ვიმუშაოთ ერთად ქვეყნის განვითარებისთვის. და თუ მთავრობის გეგმა შემდგომი დაპირისპირებაა, ჩვენი გეგმა ურთიერთთანამშრომლობა ხალხის საკეთილდღეოდ! მე მზად ვარ, ვიმუშაო მთავრობასთან და მიუხედავად უამრავ საკითხზე განსხვავებული შეხედულებებისა, მივალნო იმას, რაც ხალხს ყველაზე მეტად სჭირდება - მეტ სამუშაო ადგილს, უკეთეს ანაზღაურებას და უფრო მეტად დაცულ ოჯახებს!

დაბოლოს: ილია ჭავჭავაძე იყო მთავარი მქადაგებელი შემწყარებისა - იმ მთავარი ღირებულებისა, რასაც ჩვენი მრავალმთნიკური და მრავალრელიგიური სამშობლოს ერთიანობა ეფუძნება,“ - დასძინა დავით ბაქრაძემ.

მისი თქმით, საქართველოს გამოლიანებისთვის ქართული საზოგადოების გამოლიანება საჭიროა.

„საქართველო ვერ გამოლიანდება მანამ, სანამ, პირველ რიგში, არ გამოლიანდება ქართული საზოგადოება. ჩვენი, ყველას, მთავარი ამოცანა კი იყო და იქნება გამოლიანებული, ერთიანი, თავისუფალი, ძლიერი საქართველოს შექმნა, შექმნა ისეთი ქვეყნისა, სადაც თითოეული მოქალაქე თავისუფალი, ღირსეული ადამიანად გრძობის თავს, იმისდა მიუხედავად, თუ რომელი უმცირესობის წევრია; სადაც არავინ ხდება ძალადობის მსხვერპლი მისი არჩევანის ან წარმომავლობის გამო; სადაც თავისუფალი არჩევანია მთავარი ღირებულება და ყველას საკუთარი შრომით და ნიჭით შეუძლია, კეთილდღეობა მოიპოვოს.

მხოლოდ ასეთი ქვეყანა შეძლებს, მშვიდობიანად გაუმკლავდეს ყველაზე დიდ გამოწვევებს, რომლებიც ჩვენ წინაშე დგას - დაასრულოს რუსული ოკუპაცია და აღადგინოს საკუთარი ერთიანობა; გახდეს ნატო-ს და ევროკავშირის წევრი; საერთო გამოწახოს ჩვენს აფხაზ და ოს ძმებთან და შუქმნას ამ ქვეყნის თითოეულ მოქალაქეს ეკონომიკური კეთილდღეობა და ღირსეული ცხოვრების პირობები! მხოლოდ ასეთი ქვეყანა შეძლებს, დასრულოს დიდი ილიას ოცნება თავისუფალი, ევროპული და თანამედროვე საქართველოს შესახებ!

ასეთი ქვეყანის აშენებას კი სჭირდება, რომ მომავალი პრეზიდენტი იყოს მთელი ქვეყნის, თითოეული მოქალაქის პრეზიდენტი და ზრუნავდეს ყველა ადამიანის უკეთ ცხოვრებაზე, დამოუკიდებლად მისი პოლიტიკური სიმპათიებისგან; რომ პრეზიდენტი იყოს ქვეყნის სტრატეგიული ეროვნული ინტერესების დაცვისა და ევროპული და ევროატლანტიკური კურსიდან არგადახვევის გარანტი; რომ ქვეყანას ჰყავდეს პრეზიდენტი, რომელიც იქნება დამოუკიდებელი მთავრობისგან და ხალხთან ერთად გააკონტროლებს მთავრობას, რათა არ იქნეს დავიწყებული ის დაპირებები, რომელთა შესრულებაც ასე სჭირდება ხალხს; და ამავე დროს, იყოს პრეზიდენტი, რომელსაც შეეძლება ყველა პოლიტიკურ ძალასთან და მთავრობასთან საერთო ენის გამოძენა და მუშაობა ქვეყნის და ხალხის საკეთილდღეოდ.

ამიტომ, ჩემო მეგობრებო, თუ ჩვენი ღირებულებების მთავარი ქვაკუთხედები თავისუფლება, განახლებისკენ სწრაფვა და მრავალფეროვნების პატივისცემა იქნება, თუ ჩვენი ცხოვრების წესი „მოძრაობა და მოძრაობაა“, თუ ჩვენ განუხრელად დავიცავთ ჩვენი დიდი წინაპრის იდეებს და ქვეყანაზე ვიფიქრებთ, და არა ტაშზე, ჩვენი პოლიტიკური ძალა ღირსი იქნება გამარჯვების,“ - განაცხადა დავით ბაქრაძემ.

„მოხავალი პრემიერ-მინისტრი მთავრობის გუნდიდან იქნება“

პირველი გვარდნილი

მოქმედმა პრემიერ-მინისტრმა ბიძინა ივანიშვილმა კი 24 ოქტომბერს ტელეკომპანია „კავკასიის“ ეთერში განაცხადა, რომ მომავალი პრემიერის კანდიდატურა სამშაბათს ან ოთხშაბათს გახდება ცნობილი.

ევროპულ და ევროატლანტიკურ სტრუქტურების ინტეგრაციის საკითხებში სახელმწიფო მინისტრ ალექსი პეტრიაშვილის მტკიცებით, „ქართული ოცნების“ ოფისში არჩევნების თემები განიხილებოდა. „შეხვედრაზე იმეტომ ვიმხილებოდი, რომ არჩევნებ-

ბისთვის საქართველოში დამკვირვებლების მთელი არმია ჩამოსული. ამასთან, საქართველოში უცხოელი ჟურნალისტები იმყოფებიან. მოსამზადებელი სამუშაოების შესახებ ვიმსჯელებ. არჩევნები ისე უნდა ჩატარდეს, როგორც შეფასებებიც ამჟამად საერთაშორისო დამკვირვებლებს აქვთ. ეს ალბათ საქართველოს ისტორიაში სამაგალითო არჩევნები იქნება,“ - ამბობს სახელმწიფო მინისტრი. პეტრიაშვილის თქმით, პოლიტსაბჭოს პრემიერის კანდიდატურის შესახებ არ უმსჯელია.

„სასჯელადსრულების, პრობაციისა

და იურიდიული დახმარების საკითხთა მინისტრი სოზარ სუბარი კი მხოლოდ იმას აღნიშნავს, რომ ახალი პრემიერ-მინისტრი იმ გუნდიდან არის, რომლითაც „ქართული ოცნება“ ხელისუფლებაში მოვიდა. თუმცა, როგორც სუბარი ამბობს, მმართველ გუნდში ახალი პრემიერის კანდიდატურის შესახებ მოლაპარაკებები არ გამართულა. სუბარის თქმით, ამ საკითხის შესახებ შესაძლოა, ბიძინა ივანიშვილი პარლამენტის თავმჯდომარეს ან კოალიცია „ქართული ოცნების“ პრეზიდენტობის კანდიდატს ესაუბრა. „იმ დროიდან გამომდინარე, რაც ბიძინა ივანიშვილს

ჩვენგან აქვს, არავის ეპარება ეჭვი, რომ კანდიდატურა ღირსეული იქნება,“ - შენიშნავს სოზარ სუბარი.

საგარეო საქმეთა მინისტრი მაია ფანჯიკიძე არ მოელოს, რომ ახალი პრემიერ-მინისტრის პირობებში მინისტრთა კაბინეტი განსხვავებული შემადგენლობით ჩამოყალიბდება. მისი თქმით, გუნდში სრული თანხმობაა. „ყველა ვფიქრობთ, რომ მთავრობა ძალიან კარგად მუშაობს. აქედან გამომდინარე, იმ ფორმალური ცვლილებების შემდეგ, რომელიც მინისტრების თავიდან დაშორების გულისხმობს, ჩემი აზრით, სიურპრიზი

არ გველოდება,“ - აღნიშნა ფანჯიკიძე.

მაია ფანჯიკიძე იმის შესახებაც საუბრობს, რომ მას პრემიერობის კანდიდატურის ენაობის შესახებ ინფორმაცია არ აქვს, თუმცა ადასტურებს, რომ მთავრობის გუნდიდან იქნება. „მეც თქვენსავით ველოდები და დარწმუნებული ვარ, სამშაბათს ან ოთხშაბათს მივიღებთ ისეთ კანდიდატს, რომელიც ყველას მოეწონება,“ - უთხრა ჟურნალისტებს საგარეო საქმეთა მინისტრმა.

საკუთარი ინფორმაცია

„ნახვამდის, ბატონო პრეზიდენტო“

გუშინ პრეზიდენტის სასახლესთან გაიმართა გამოსამშვიდობებელი აქცია „ნახვამდის ბატონო პრეზიდენტო!“

აქციას, რომელიც მოძრაობა „პატრიოტების“ ორგანიზებით ჩატარდა, სიმბოლური ხასიათი ჰქონდა.

ორგანიზატორთა განცხადებით, აქციის მიზანი მადლიერების გამოხატვა იყო იმ დადებითისთვის, რაც მიხეილ სააკაშვილის მმართველობამ ქვე-

ყანას მოუტანა. მათივე თქმით, სურთ, საერთაშორისო საზოგადოებას დაანახონ, რომ საქართველოს მოქალაქეები საღად აზროვნებენ და იმ პროგრესს აფასებენ, რომელსაც საქართველომ მიხეილ სააკაშვილის პრეზიდენტობის პერიოდში მიაღწია.

„აქციით მადლიერებას გამოვხატავთ საქართველოს პრეზიდენტ მიხეილ სააკაშვილის 9-წლიანი მმართველობის პერიოდში მიღწეული პროგრესისა და წარმატებებისთვის როგორც სამშინა, ისე საგარეო კუთხით, იმ დადებითისთვის, რაც ამ ადამიანის მმართველობამ ქვეყანას მოუტანა,“ - განაცხადეს მოძრაობა „პატრიოტების“

წევლების პერიოდში მიღწეული პროგრესისა და წარმატებებისთვის როგორც სამშინა, ისე საგარეო კუთხით, იმ დადებითისთვის, რაც ამ ადამიანის მმართველობამ ქვეყანას მოუტანა,“ - განაცხადეს მოძრაობა „პატრიოტების“

მიხეილ სააკაშვილისთვის მონყობილ გამოსამშვიდობებელ აქციაზე მხარდამჭერებმა მიიტანეს პლაკატები

ნარწერი: „ნახვამდის, ბატონო პრეზიდენტო, მადლობა ყველაფრისთვის“, „მომავალ შეხვედრამდე, პრეზიდენტო“.

აქციის მონაწილეების თქმით, გასული 9 წლის განმავლობაში, მიხეილ სააკაშვილის მმართველობის პერიოდში, ქვეყანაში ძალიან ბევრი რამ გაკეთდა და არ შეიძლება, ადამიანმა არ დაინახოს და არ დააფასოს ქვეყნის

მიღწევები „ვარდების რევოლუციის“ შემდეგ.

პრეზიდენტის რეზიდენციასთან გამოსამშვიდობებელი აქციაზე ცნობილი პიანისტი ხატია ბუნიათიშვილიც იმყოფებოდა.

მისი თქმით, ის ყველას მაგივრად უხდის პრეზიდენტს მადლობას და მიიჩნევს, რომ მიხეილ სააკაშვილი გენიოსია.

იზხანი - მხვედრა რესტავრაციის განსახილველად

25 ოქტომბერს 12:00 საათზე, საქართველოს კულტურისა და ძეგლთა დაცვის მინისტრი გურამ ოდიშარია და საქართველოს კულტურული მემკვიდრეობის დაცვის ეროვნული სააგენტოს გენერალური დირექტორი მერაბ ბოჭორიძე ისტორიულ ტაო-კლარჯეთში, იზხანის სარეაბილიტაციო სამუშაოების მიმდინარეობის მორიგი ანგარიშის პრეზენტაციას გამართავენ. გურამ ოდიშარია ისაუბრებს 27-29 ოქტომბერს სტამბოლში დაგეგმილ საერთაშორისო აბრეშუმის გზის კონგრესზე, სადაც მინისტრი თურქეთის რესპუბლიკის კულტურისა და ტურიზმის მინისტრის ომერ ჩელიკის მოწვევით გაემგზავრება. ვიზიტის ფარგლებში გურამ ოდიშარია კოლეგას ტაო-კლარჯეთში ქართული ძეგლების საკითხებზე სასაუბროდ შეხვდება და ქართული დელეგაციის უკვე მეხუთე ვიზიტს შეაჯამებს.

დეგად, თურქული მხარე მტკიცე მზადყოფნას აცხადებს, რომ ორივე ქვეყნისთვის მნიშვნელოვანი არქიტექტურული კომპლექსების - იზხანის და შემდგომ ოშკის რეაბილიტაცია ქართველი და თურქი სპეციალისტების ერთობლივი მეთოდოლოგიური ზედამხედველობით უნდა გაგრძელდეს, რომლის ფორმატში ქართველი სპეციალისტების პროფესიული აზრი აუცილებლად იქნება გათვალისწინებული.

იზხანის იერსახის შენარჩუნებისთვის სამუშაოების წარმოება სარესტავრაციო პრაქტიკაში მიღებული ნორმების დაცვით მიმდინარეობს. სამუშაო ჯგუფმა ამ დროისთვის უკვე მოამზადა რეკომენდაციები, რომელიც თურქეთში გადაიგზავნება.

საგულისხმოა, რომ სამუშაო ვიზიტის მორიგი რეკომენდაციები დიდწილად ეხება არა უკვე შესრულებული სამუშაოების გამოსწორების გზებზე და მეთოდებზე მსჯელობას, როგორც ეს იყო თანამშრომლობის პირველ საფეხურზე, არამედ სამუშაოების იმ ახალი ეტაპების ერთობლივ დაგეგმვას და განხორციელებას, რომელიც იზხანის რეაბილიტაციის წარმატებულ განხორციელებას ისახავს მიზნად.

24 საათი



VII ეპიზოდი: გადატვირთვა

ლორენს კაზდანმა და ჭეი ჭეი აბრამსმა მაიკლ არნდტი ჩანაცვლეს

ნა ვაქა

რამდენიმე თვის წინ ინტერნეტში ერთი სამოყვარულო პაროდული ვიდეო გამოჩნდა. მსახიობი „ვარსკვლავური ომების“ ახალი ეპიზოდის სცენარის წერის პროცესში მყოფ მაიკლ არნდტს („პატარა მის ბედნიერება“, „სათამაშოების ისტორია 3“) ანსახიერებდა. ვიდეო სასაცილო იყო, მიუხედავად იმისა, რომ „მაიკლ არნდტის“ ტანჯვას ვადევნებდით თვალს. „პატარა მის ბედნიერებისთვის“ „ოსკარის“ მფლობელი სცენარისტი ვერაფრით ახერხებდა ჯორჯ ლუკასის მიერ გამოგონილ სამყაროს კარი გაეღო, შიგნით შეეღწია და ასე მაინც გაეგო, რაზე და როგორ უნდა დაენერა. გაევიდა დრო და ამ ვიდეოში ასახული ამბავი რეალობად იქცა - მეტ-ნაკლები გამოცდილების მიუხედავად მაიკ არნდტმა ვერაფრით შეძლო ლირსეული სცენარის დაწერა, ამიტომ საქმე „ვარსკვლავური ომების“ სპეციალისტს გადააბარეს.

პრეტენზია, მაგრამ, წმინდა კინემატოგრაფული თვალსაზრისით, კაზდანის მიერ დაწერილი ისტორიების ეკრანიზაცია საუკეთესოა. ...თუმცა III ეპიზოდიც უდავოდ ეპიკურია) და ლუკასის მიერ გამოგონილ სამყაროსაც საუკეთესოდ იცნობს.

ამბავი იმდენად ახალია, რომ ჯერჯერობით დეტალები არ კონკრეტდება. ზოგი წყაროს მიხედვით ჯეი ჯეი აბრამსი და ლორენს კაზდანი ახალ სცენარს მაიკლ არნდტის ნამუშევარზე დაყრდნობით შექმნიან, რაც პრაქტიკულად გამორიცხებულია, რადგან არნდტის ვერა ჯეი ამოღებულია ფილმის ქასთიდან. სხვა წყაროების თანახმად კი კაზდანი-აბრამსი არა მხოლოდ ახალ სცენარს დაწერენ, არამედ სიუჟეტი სულ სხვა ეპოქაში გადააქვთ. „ვარსკვლავური ომების“ ფანებისთვის კი ეს სამოთხის კარის გაღების, საქართველოს ნატომი შესვლისა და ჩვენი საფეხბურთო ნაკრების მსოფლიო ჩემპიონატზე გასვლის ტოლფასია.

მოგეხსენებათ, „ვარსკვლავური ომების“ გაფართოებული სამყარო გაცილებით ვრცელია, ვიდრე ექვსი ფილმი ან ხუთსეზონიანი „კლონების ომია“. ამ დროისთვის ასე ათასობით ნელზე გადაჭიმული ისტორია არსებობს, ფილმებში მოთხრობილ ამბავს კი 50-იოდენ წელიწადი უკავია. კომერციული თვალსაზრისით ძველი მსახიობების (მარკ ჰემილი, პარისონ ფორდი, კერი ფიშერი) ეკრანზე დაბრუნება გამართლებულია, მით უმეტეს, რომ „ჯედაის დაბრუნების“ შემდეგაც მათი პერსონაჟების თავზე არა ერთი ნისქელის ქვა დატრიალდა (ადმირალი ტრაუნი, პალპათინის კლონის დაბრუნება, იუჟან ვონგების შემოსევა და ა.შ.), მაგრამ ფრენაიზის ყველა მცოდნე თანხმდება, რომ დროა მასურებელს ათასობით წლით ადრე მომხდარი ისტორიებიც გავაცნოთ, ძველი რესპუბლიკის, სითების პირველი აჯანყების თუ ამავე სითებისა და ჯედაების დაპირისპირების დანაშაულის დროინდელი, ან მაშინდელი, როდესაც 900 წლის იოდა ჯერ კიდევ პატარა ბიჭი იყო და სინათლის მახვილის დასამზადებლად გამოქვაბულში კრისტალს ეძებდა.

თითქმის ერთი წლის წინ დანიშნული სცენარისტის შეცვლა, ცხადია, პროექტს რამდენადმე შეაფერხებს, თუმცა კელტინ კენედი აცხადებს, რომ, როგორც დაგეგმილი იყო, გადაღებებს 2014 წლის ზაფხულში დაიწყებენ, ფილმი კი ერთი წლის შემდეგ გამოვა და გავიგებთ კიდევ, VII ეპიზოდი ჰან სოლოსა და ლეა ორგანას შვილების ტრაგიკულ ბედზე, ჯედაების ორდენის დაარსებაზე თუ ჯარ ჯარ ბინქსის სასიყვარულო ისტორიაზე.

მანამდე კაზდანს მხოლოდ კონსულტანტის ფუნქცია ჰქონდა მიკუთვნებული, „ვარსკვლავური ომების“ ფანებს კი მისთვის გაცილებით მნიშვნელოვანი როლი ემეტებოდათ, რადგან სწორედ ის გახლავთ ფრენაიზის საუკეთესო, V და VI ეპიზოდების სცენარის ავტორი (ცხადია, არც IV ეპიზოდის მიმართ მაქვს

მანამდე კი დაე, ძალა იყოს ლორენს კაზდანთან და ჯეი ჯეი აბრამსთან!

NATALIE
COLE
FRIDAY, NOVEMBER 1
TBILISI CONCERT HALL
EN ESPAÑOL OUT JUNE 25
TBC STATUS Personal Banking
TBILISI JAZZ FESTIVAL 28 OCT - 1 NOV 2013
TBILISIJAZZ.COM f/TBILISIJAZZFESTIVAL
PURCHASE TICKETS AT TBILISI CONCERT HALL'S BOX OFFICE, ONLINE AT WEBSITE BILETEBI.GE. MORE INFO BY PHONE AT 2990599

გობიტა გობუა: „ფეხბურთისა და პირადი ურთიერთობის არევა არ შეიძლება“

პირველი გვარდია

გულშემატკივრებს იქ დღემდე ვახსოვარ, რაც ძალიან სასიამოვნოა. 2006 წელს გუნდის საუკეთესო ახალწვეული გახვდი. შემდეგ ნალჩივიდან სხვა გუნდებში გადავდიოდი, კერძოდ, „სატურნსა“ და „ტერეკში“, მაგრამ ისევ უკან ვბრუნდებოდი, რადგან „სპარტაკი“ თავს ძალიან კარგად ვგრძნობდი.

ყოველი მატჩის შემდეგ ხაზაროვსკელი გულშემატკივრები საუკეთესო ფეხბურთელის გამოსავლენად ხმას აძლევენ, სადაც თქვენ მეორე ადგილზე ხართ. მხოლოდ გიორგი ნავალოვსკი გჯობნით.

რა თქმა უნდა, მადლობელი ვარ, მაგრამ ხაზაროვსკი უფრო მეტად სხვა რამ მალელებს: ფეხბურთი მეორე ადგილზე რატომ არის, ცოტა მაყურებელი რატომ დადის, არ ვიცი. შედეგით თუ ვიმსჯელებთ, გუნდი არცთუ ცუდად გამოდის. მით უმეტეს, ისეთ მდგომარეობაში, როგორმაც ჩვენ ვართ - ხანგრძლივი ფრენა, დადილობა. სხვა ფეხბურთელებივით დასვენების საშუალება რომ გვექონდეს, შედეგი უკეთესი იქნებოდა. ვინც აქ თამაშობენ, მათ ძეგლი უნდა დაუდგან. ხაზაროვსკი თამაში ძალიან ძნელია, რადგან დროში დიდი სხვაობა და ბევრი ენერჯია ფუჭად იხარჯება.

ესე იგი, ეთანხმებით მთავარ მწვრთნელს, ვალდას ივანაუსკას, რომელიც ამბობს, „ჩემი ფეხბურთელები რომოტებოვით არიანო“?

ვეთანხმები, რადგან ისიც ასეთ მდგომარეობაშია. ყველასთვის ძნელია, მათ შორის, სამწვრთნელო შტაბისთვის. კარგია, რომ ფეხბურთელებსა და მწვრთნელს შორის ნორმალური დამოკიდებულებაა. მთლიანობაში, კლუბში კარგი სიტუაციაა. მეგობრული გუნდი ვართ.

გუნდში მშობლიურ ენაზე საუბრობთ?

ხშირად. ფეხბურთელებმა იციან, რომ მე და გიორგი ნავალოვსკი ერთმანეთს ქართულად ველაპარაკებით, რასაც ჩვეულებრივ აღიქვამენ. ბრაზილიელებიც ხომ მშობლიურ ენაზე ელაპარაკებიან ერთმანეთს. რუსული ისე კარგად არ ვიცით, როგორც ჩვენი ენა.



მოთამაშებმა ხომ არ გთხოვს, რაიმე ქართული სიტყვა გესწავლებინათ?

ისედაც ყველაფერი იციან. განსაკუთრებით „ლაშაში“ სიტყვები სხვადასხვა ენაზე.

კლუბის გენერალურმა დირექტორმა სერგეი ფელდმანმა თქვა, რომ კერძებს თავად იმზადებთ. თქვენი საყვარელი კერძი...

ყველას ვერ ჩამოგივლით. ეს საიდუმლოა. დიხ, ვამზადებ. ვერ გეტყვით, რომ ეს საქმე ძალიან მიყვარს, მაგრამ... მე ძალიან კარგად ვამზადებ. ბიჭები ჩემთან ყოფილან და უჭამიათ. კომპანიები მიყვარს. მარტო სახლში ჯდომა მოსაწყენია.

მინც რომელ კერძს ამზადებთ?

ჩემი საყვარელი კერძი ჩახობილია, რომელიც მთელ გუნდს მოსწონს. ყველა ითხოვს: „გოგა, „ჩახობილი“ როდის იქნება?“ მის მომზადებას დიდი დრო უნდა.

რადგან მომზადება გოგვართ, იქნებ ერთხელ მზარეულად მოგესინჯათ თავი?

არა, არა. სხვათა შორის, კერძების მომზადება ცოლმა მასწავლა. როგორც გითხარით, ეს საქმე მინცდამინც არ მომწონს, მაგრამ ფეხბურთელი ვარ და კარგი კვება აუცილებელია. ხაზაროვსკის თქმულია: ხართ რესტორანში, სადაც ქართულ კერძებს ამზადებენ?

აქ ასეთი რესტორანი არ არის.

2011 წლის 27 მარტს, ევრო 2012-ის შესარჩევ ციკლში ხორვატიასთან ჩატარებული მატჩის მეორე დღეს, თქვენ და საქართველოს ნაკრების მთავარ მწვრთნელ თემურ ქეცბაიას შორის კონფლიქტი მოხდა. ამ კონფლიქტის შემდეგ ნაკრებში ადგილი დაკარგეთ...

სალაპარაკო არაფერია. მთელმა საქართველომ იცის, რაც მოხდა. ნაკრებში ყოველთვის ვთამაშობდი, მაგრამ ვიდრე იქ ახლანდელი მწვრთნელი მუშაობს, არა მგონია, გუნდში დავბრუნდე. ფეხბურთისა და პირადი ურთიერთობის არევა არ შეიძლება. ნებისმიერი ფეხბურთელისთვის ნაკრებში გამოძახება დიდი ამბავია. ჯერ 30 წლის ვარ და ნაკრებში თამაშს კიდევ ვაპირებ. ეროვნული გუნდის გამოსვლას თვალს ვადევნებ. ნაკრების თამაშების დროს არის სიტუაციები, როდესაც სხვა ფეხბურთელის ადგილზე წარმოიდგენ თავს და ფიქრობ, რომ მათზე ნაკლები არ ხარ.

თქვენი საყვარელი კლუბი რომელია?

„ბარსელონა“ - მსოფლიოში ყველაზე ტექნიკური გუნდი.

ამ კლუბში სათამაშოდ რომ მიეწვიეთ, ოღონდ უხელფასოდ, დათანხმდებოდით?

რა თქმა უნდა. ეს ხომ ნებისმიერი ფეხბურთელის ოცნებაა.

ვინ არის თქვენი საყვარელი ფეხბურთელი?

ლონელ მესი.

თქვენს კარიერაში იყო მომენტი, როდესაც ევროპაში თამაშის შანსი გქონდათ - შოტლანდიური „პარტი“ გეპატიჟებოდათ.

მამინე გუნდს ვალდას ივანაუსკასი წვრილია. უბრალოდ, სამუშაო ვიზა არ მომცეს. ამის შემდეგ „სატურნი“ დავბრუნდი, სადაც ერთი სეზონი ჩავატარე და მერე ნალჩიკის „სპარტაკმა“ შემიძინა. იმ პერიოდში ვალდასთან ერთად მუშაობამ არ მომიწია, სამაგიეროდ ახლა ვმუშაობ. ბედმა მინც შეგახვედრა ერთმანეთს.

სათამაშო ფორმას რამდენ ხანში იცვამთ?

შეიძლება წუთი მინც მჭირდებოდეს. ჯარში ხომ არ ვარ. იქ ასანთს აანთებენ და სანამ ჩაქრება, ფორმა უნდა ჩაიცვა.

თვალდაუქუთი ბურთის კარში მოახვედრებთ?

გააჩნია, საიდან დავარტყამ.

(თარგმანის გარეშე):

Три слова на букву „ж“, которые первыми приходят в голову?

Женщины, женщины, женщины. Я же грузин!

კევინის სეზონი

ზურა თალაქაძე

ალბათ ლებრონი ჯეიმსი ისევე ფინალში გავა. და „მაიამისთვის“ სეზონი აპრილიდან იწყება. სხვებისთვის სეზონი აპრილამდე მიდის. ალბათ დერიკ როუზი რეგულარულს შიტი იქნება. და ალბათ „ჩიკაგო“ ლუოლ დენგს ახალ კონტრაქტს გაუფორმებს. როუზი და დენგი სახიფათო თემაა.


ალბათ ლუის სკოლა „ინდიანას“ დააბალანსებს და როი ჰიბერტს ბევრ საინტერესო კონსპექტს წააკითხებს. სკოლა ოლიმპიადას იგებდა და ჰიბერტი ჯერ სტუდენტია.

ალბათ ბრუკლინი ჯეისონ კიდის ლექციებს ყურადღებას მიაქცევენ. შეიძლება არც მიაქციონ. „ბრუკლინი“ გარნეტი, დერონი, პირსი, კირილენკო და ჯონსონი დაილაპარაკებენ.

ალბათ „პიუსტონმა“ ჯექსონტი მოხსნა. და ჯექსონტი მხრებში გაიშლება, ერთს ამოიხენეშებს და დაიწყებს სხვა ჯექსონტების მოხსნას. ჯექსონტი დუაიტ ჰოვარდია და ჯეიმს ჰარდენს გაუმართლა.

ალბათ ტიმ დანკანი დაისვენებს. შარშანდელი რენესანსი დასრულდა და შარშანდელი დანკანი იყო კალათბურთის გოია. გამოფენა დაიხურა. ახალი გამოფენა იწყება. ისევე ტიმისთან ერთად.

ალბათ ზოსტონში უფრო მეტს მოიგებენ, ვიდრე უნდა მოიგონ და ალბათ „ბოსტონი“ ფლეი ოფში ვერ გავა. ალბათ რაჟონ რონდო მალე



კევინი დიურანი

დაბრუნდება და იქ ძველ ბიჭებს ვერ დაინახავს. კევინს, პოლს, სხვებს.

ალბათ „გოლდენ სტიტი“ წელს ბევრს მოიგებს, აუცილებელ გამოცდილებას მიიღებს და ფლეი ოფის მეორე წრეში გავარდება. იქ

დაკანები და პრინციპები მოქმედებს. ამ გუნდისთვის ჯერ ადრეა და მალე ოკლენდის ბანდაც მოიგებს მოსაგებს. დევიდ ლისტან, სტივ კარისთან, დიდ ბოგატთან ერთად.

ალბათ ლებრონი ჯეიმსი მოტივაციას მარტივად გახსნის და შეი-

ნოსავს. და ნამოილებს. ლებრონი ისევე ის შეუჩერებელი ნარკომანი გახდება, რომელიც კალათბურთზე არის. ლებრონს ვერ მოხსნიან. ლებრონი სხვებს მოხსნის. ალბათ ეს უკვე დოგმაა. ლებრონის დოგმა.

ალბათ კევინი დიურანი უკეთესი გახდება. ძველ კევინზე უკეთესი და წინა დიურანზე სრულყოფილი. ალბათ რას უესტბრუქის ტრავმა დიურანზე ცუდად არ იმოქმედებს. არც კარგად იმოქმედებს. კევინისთვის ამ ტრავმას მნიშვნელობა არ ექნება. „ოკლაჰომას“ ლიდერი მაინც დიურანია და 25 წლის ფორვარდმა ისწავლა მოგება. და ნაგებაც. რასთან და რასის გარეშე. კევინი მზად არის ახალი უზნის დასათვალიერებლად. დიურანი ახალ სეზონს ახალი გუნდით და ძველი ტკივილით იწყებს. ის ტკივილი ლებრონი და კევინმა ის ტკივილი უნდა ამოიღოს. ის ტკივილი ზედმეტია.

„ოკლაჰომა“ იცვლება და დიურანი იზრდება. ჯეიმს ჰარდენი გამოუცდელია ჯერ კიდევ ლემბმა შეცვალა. ნავიდა კევინი მარტინი, აზრზე მოსაყვანია პირველწლიანი დივი ბიჭი სტივენ ადამსი და ამას კევინმა უნდა მიხედოს. თუ „ოკლაჰომას“ არ ჩაეძინება, კევინი ბოლომდე გავა. ლებრონთან ბოლო გასაუბრებამდე და მერე ვნახოთ...

ალბათ ბოლო გასაუბრება საინტერესო იქნება. ლებრონი და კევინი. თუ ამ საუბარში მოხუცები არ ჩაერვებიან. ხანდახან მოხუცებიც ახალგაზრდულად თამაშობენ. ალბათ ამას მალე ვნახავთ.

დიურანი მოდის.

ბექა ღვინიაშვილი მსოფლიო ჩემპიონია

საქართველოს ძიუდოსტთა ახალგაზრდული ნაკრების წევრმა ბექა ღვინიაშვილმა (90 კგ.), ლუბლიანას მსოფლიოს ახალგაზრდულ ჩემპიონატზე ჩემპიონობა იზეიმა და იქვე დუბლი შეასრულა - წლეულს ახალგაზრდების ევროპირველობაზე მოპოვებულ ოქროს მედალს მსოფლიო ხარისხის ოქროს მედალიც შემატა.

90 კილოგრამ წონით კატეგორიაში მოასპარევე ქართველმა ძიუდოსტმა, ლუბლიანაში, სეზონის უმთავრეს შეჯიბრებაზე ხუთი შეხვედრა ჩაატარა და ხუთივე მთამბეჭდავად - იპონებით მოიგო.

მსოფლიო ჩემპიონატის პირველ დღეს ბრინჯაომდე გზა გაიკვალა ლერი ჭელიძემ (55 კგ.). თითო ოქროსა და ბრინჯაოს მედლით საქართველო ნაკრები ვაჟთა გუნდურ ჩათვლაში მეორე ადგილის თანაზიარია, საფრანგეთთან და საბერძნეთთან.

ვახტანგ ზლაგიძეს ოზურგეთში ვარსკვლავი გაუსხნეს

გურიის მხარის ოლიმპიური კომიტეტისა და ოზურგეთის მუნიციპალიტეტის თაოსნობით, ოზურგეთის სპორტის სასახლის წინ გაიხსნა ბერძნულ-რომაულ ჭიდაობაში მოსკოვის ოლიმპიური თამაშების ჩემპიონის, მსოფლიოსა და ევროპის ორგზის ჩემპიონის ვახტანგ ზლაგიძის ვარსკვლავი.

ვახტანგის ცერემონიალს დაესწრნენ სპორტისა და ახალგაზრდობის საქმეთა მინისტრი ლევან ყიფიანი, ეროვნული ოლიმპიური კომიტეტის პირველი ვიცე-პრეზიდენტი ელ-გუჯა ბერიშვილი, ჭიდაობის ეროვნული ფედერაციის პრეზიდენტი ლუკა კურტანიძე, ვეტერანი და მოქმედი სპორტსმენები.

ცერემონიალზე ლევან ყიფიანმა ტიტულოვანი ფალავანი სპორტის რაინდის წოდებით დააჯილდოვა. ვახტანგ ზლაგიძე დაჯილდოვდა ჭიდაობის საერთაშორისო ფედერაციის - ფილას ოქროს ორდენითაც.

„ორი და ოთხი ოლიმპიური ჩემპიონი კი არ უნდა გვეყვოდეს, არამედ ბევრი ასეთი უნდა გაიზარდოს. გურიიდან ოთხი ოლიმპიური ჩემპიონია. მინდა მათმა რიცხვმა იმატოს“, - დაჯილდოების ცერემონიალზე თქვა ვახტანგ ზლაგიძემ.

გუშინდელი დღე მარტო ჯილდოების გადაცემითა და ვარსკვლავის ვახტანგის ცერემონიალით არ შემოფარგლულა. ოზურგეთის სპორტის სასახლეში დაიწყო ვახტანგ ზლაგიძის სახელობის საერთაშორისო ტურნირიც, რომელიც ტრადიციული გახდება. ტურნირზე საქართველოს სხვადასხვა რეგიონის ნაკრებებთან ერთად სომხეთის გუნდმაც იასპარეზა. უნდა ჩამოსულიყვნენ აზერბაიჯანისა და რუსეთის გუნდებიც, მაგრამ გარკვეული მიზეზების გამო ეს ვერ მოხერხდა.

ვახტანგ ზლაგიძის ოლიმპიური ვარსკვლავი თბილისში - ეროვნულ ოლიმპიურ კომიტეტშიც გაიხსნება.

დაიწყო 18-წლამდელთა თბილისის ჩემპიონატი

თბილისის კალათბურთის განვითარების კავშირმა და საქართველოს კალათბურთის ფედერაციამ კიდევ ერთი საინტერესო ტურნირი გახსნეს. 16-წლამდელთა ტურნირის დასრულების შემდეგ, კიდევ ერთი ასაკობრივი ჩემპიონატის დაწყება მხოლოდ ერთ-ერთი ეტაპია იმ ვოიაჟის, რომელიც თბილისის კალათბურთის განვითარების კავშირმა და ფედერაციამ დაიწყეს. ისევე როგორც წინა ივენთის, ამ ტურნირის მიზანია საქართველოს ჩემპიონატზე გამსვლელი გუნდების გამოვლენა. კარგად დაბალანსებულ კლუბებში საუკეთესო საუკეთესოდ დასახელებული ტურნირი ახალი დაწყებულია. ტურნირზე ბევრი პრინციპული დაპირისპირება იქნება და ამ ასაკში ბევრი ნიუანსის გამოსწორება შეიძლება, მოესწრება. კლუბები ამაზე იმუშავენ. კლუბები ამას მოასწარებენ. პირველი დღის ნიუანსები გავიართო. პირველი დღის თამაშები აკადემიის დარბაზში იყო. ტურნირის დიდი ნაწილი აქ გაიმართება.

ჩემპიონატში იღებს მონაწილეობას 18 გუნდი. შექმნილია 4 ჯგუფი. ორში 4-4 გუნდი იქნება და ორში - 5-5. ჯგუფური ეტაპის დასრულების შემდეგ დაიწყება გასავარდნი ეტაპი, მეოთხედფინალები. თითო ჯგუფიდან შემდეგ ეტაპზე 2-2 გუნდი გავა. მესამე-მეოთხე ადგილებზე გასული გუნდები (სულ - 8) საქართველოს ჩემპიონატის დარჩენილი 2 ადგილისთვის საკვალიფიკაციო ტურნირში მიიღებენ მონაწილეობას. ამ ტურნირიდან საქართველოს ჩემპიონატზე 10 საუკეთესო გუნდი გავა. პირველი დღის 6 თამაში გავიართო.

მართევ 2 - კარდინალი 53:68, მაკაბი - ლომები 89:70, შსს აკადემია - არმია 67:54, დინამო - აკადემია 2 3 7 : 4 6 , თსსუ - ნიკეა 271:28, ნიკეა 1 - TBC 95:43.

პაატა გურასპაული (თბილისის კალათბურთის განვითარების კავშირის პრეზიდენტი): 16-წლამდელთა ტურნირი ნორმალურად დაიწყო და ნორმალურად დაიხურა. მთლიანობაში, ყველაფერი ნორმალურად წავიდა და თუ იყო უმნიშვნელო შენიშვნები, ამაზე ვიმუშავებთ და ამ ნიუანსებს გამოვასწორებთ. გუნდებმა მაქსიმუმი გააკეთეს. რამდენიმე გუნდი დანარჩენზე უკეთ იყო მომზადებული და შესაბამისად, ამ გუნდებმა უკეთ დაფარეს მთელი დისტანცია. საქართველოს ჩემპიონატზე ლირსეული კლუბები გავიდნენ. იმედი მაქვს, 18-წლამდელთა ჩემპიონატიც კარგად ჩაივლის და გუნდები აუცილებელ სათამაშო პრაქტიკას მიიღებენ. ჩვენი კავშირი მაქსიმუმს აკეთებს და მაქსიმუმს გააკეთებს ასაკობრივ ჯგუფებში აუცილებელი, საინტერესო კონკურენციის შექმნისთვის და კიდევ ერთხელ მინდა მადლობა გადავუხადო საქართველოს კალათბურთის ფედერაციას, რომელიც გვეხმარება ამ ტურნირის ჩატარებაში. ფედერაციასთან კონსულტაციებით ბევრი ნაბიჯის გადადგმა უფრო იოლი და მიზანმიმართულია. ჩვენი თანამშრომლობა ქვეყანაში კალათბურთის განვითარებას ხელს უწყობს.“

PHOTOGRAPHED BY FRED HEYLAN



ELITE MODEL LOOK CASTING 2013

N°1 MODEL SEARCH WWW.ELITEMODELLOOK.COM/GE

- 21 JULY KUTAISI Opera House 14:00 - 17:00
- 23 JULY GORI Gamarjveba Movie Theatre 14:00 - 16:00
- 26 JULY GURJAANI Cultural Centre 14:00 - 16:00
- 29 JULY ZUGDIDI Art Gallery 14:00 - 17:00
- 17 AUGUST BATUMI Hotel Intourist 14:00 - 17:00
- 18 AUGUST OZURGETI Theatre Hall 14:00 - 16:00
- 07 SEPTEMBER TBILISI Tbilisi Mall 14:00 - 18:00

2013
elite
MODEL LOOK
GEORGIA

